




Broj: 01/5-29-2889/16

Sarajevo, 12.12.2016.

**PREDSTAVNIČKI DOM  
PARLAMENTARNE SKUPŠTINE BiH  
PREDSJEDAVAJUĆEM DOMA**



Na osnovu člana 32. stav (1) i člana 48. Poslovnika Predstavničkog doma Parlamentarne skupštine BiH ("Službeni glasnik BiH", br. 79/14, 81/15 i 97/15), Komisija za saobraćaj i komunikacije Predstavničkog doma Parlamentarne skupštine BiH predsjedavajućem Predstavničkog doma Parlamentarne skupštine BiH podnosi sljedeće

### MIŠLJENJE

**o rang-listama Regulatorne agencije za komunikacije BiH za članove  
Upravnog odbora Javnog radiotelevizijskog servisa Bosne i Hercegovine  
iz bošnjačkog, hrvatskog i srpskog naroda**

Regulatorna agencija za komunikacije BiH je 11.11.2016. dostavila Parlamentarnoj skupštini BiH rang-liste kandidata koji su ušli u uži izbor za članove Upravnog odbora Javnog radiotelevizijskog servisa BiH iz bošnjačkog, hrvatskog i srpskog naroda (u daljnjem tekstu: rang-liste Regulatorne agencije za komunikacije BiH).

Kolegij Predstavničkog doma je na 40. sjednici, održanoj 30.11.2016., kao nadležnu komisiju za razmatranje rang-listi Regulatorne agencije za komunikacije BiH odredio Komisiju za saobraćaj i komunikacije Predstavničkog doma Parlamentarne skupštine BiH (u daljnjem tekstu: Komisija).


Komisija je na 30. sjednici, održanoj 12.12.2016., u svojstvu nadležne komisije i u prisustvu predlagača, razmatrala rang-liste Regulatorne agencije za komunikacije BiH.

Komisija je konstatirala sljedeće:

- Vijeće Regulatorne agencije za komunikacije BiH (u daljnjem tekstu: Vijeće Agencije) je, u skladu s nadležnostima i obavezama Agencije iz člana 39. Zakona o komunikacijama („Službeni glasnik BiH“, br. 31/03, 75/06, 32/10 i 98/12) i na osnovu čl. 25. i 26. Zakona o Javnom radiotelevizijskom servisu BiH („Službeni glasnik BiH“, br. 92/05 i 32/10), 10.8.2016., raspisalo Konkurs za članove Upravnog odbora Javnog radiotelevizijskog servisa BiH iz bošnjačkog, hrvatskog i srpskog naroda;
- Vijeće Agencije je, nakon obavljenog intervjua, na sjednici održanoj 7.11.2016., većinom glasova utvrdilo liste kandidata koje je dostavilo Parlamentarnoj skupštini BiH, kako bi

imenovala članove Upravnog odbora Javnog radiotelevizijskog servisa BiH iz bošnjačkog, hrvatskog i srpskog naroda.

Nakon obavljene rasprave, Komisija je, s pet glasova “za”, dva glasa “protiv” i dva glasa “suzdržan”, primila k znanju rang-liste Regulatorne agencije za komunikacije BiH za članove Upravnog odbora Javnog radiotelevizijskog servisa BiH iz bošnjačkog, hrvatskog i srpskog naroda, te ih upućuje Predstavničkom domu u daljnju parlamentarnu proceduru.



Dostavljeno:

- Kolegiju Predstavničkog doma
- a/a